



ҚАЗАҚСТАН ҰЛТТЫҚ БАНКИ

АҚПАРАТТЫҚ ХАБАР

2018 жылғы 28 ақпан

Д. Ақышев ҚР Парламентінің Мәжілісінде «Қазақстан Республикасының кейбір заңнамалық актілеріне сақтандыру және сақтандыру қызметі мәселелері бойынша өзгерістер мен толықтырулар енгізу туралы» Заң жобасын ұсынды

Бүгін Д. Ақышев ҚР Парламентінің Мәжілісінде «Қазақстан Республикасының кейбір заңнамалық актілеріне сақтандыру және сақтандыру қызметі мәселелері бойынша өзгерістер мен толықтырулар енгізу туралы» Заң жобасын ұсынды.

Ұлттық Банк Төрағасы Данияр Ақышев жалпы отырыс барысында баяндама жасай отырып, заң жобасының мақсаты сақтандыру саласындағы заңнаманы, бірінші кезекте халықтың сақтандыру қызметтерін алған кезде мүдделерін қорғау және сақтандыру нарығын дамыту бағытындағы заңнаманы жетілдіру болып табылатынын атап өтті.

Ұлттық Банк басшысы атап өткендей, заң жобасында бес негізгі блокты бөліп атауға болады: онлайн-сақтандыруды енгізу; шет елге шығатын қазақстандықтарды сақтандыруға арналған тәсілдерді өзгерту; міндеттелген сақтандыруды енгізу; сақтандыру омбудсманының функцияларын кеңейту арқылы дауларды реттеу тетігін жетілдіру; өмірді сақтандырудың әлеуметтік маңызды түрлері бойынша қосымша кепілдік беру жүйесін кеңейту.

Сонымен бірге Д. Ақышев сақтандыру нарығын одан әрі толыққанды дамыту үшін жағдайлар жасау мақсатында заң жобасында басқа да түзетулер көзделетіндігін айтып берді.

Онлайн-сақтандыруды мемлекеттік дерекқорлардың ықпалдасуын ескере отырып енгізу халық пен бизнесті сақтандыру қызметтерімен қамтуды кеңейтуге мүмкіндік береді – Д. Ақышев

Банктерде бұрыннан бері онлайн-қызметтерді ұсынудың түрлі нысандары енгізілген және ойдағыдай пайдаланылуда. Сақтандыру нарығында заңнаманың ерекшеліктерінен онлайн-қызметтер тиісті дамыған жоқ. Бұл жөнінде бүгін Ұлттық Банк Төрағасы Данияр Ақышев Қазақстан Республикасының Парламенті Мәжілісінің жалпы отырысында баяндама жасаған кезде айтып берді.

Ол өңірлік деңгейде қаржылық институттардың болуын филиалдар мен өкілдіктерді ашу арқылы кеңейтуге әрқашан мүмкіндік болмайтынын атап өтті: «Банктер мен сақтандыру компаниялары жеке институттар болып табылады және шығындарды оңтайландыруға бағытталған. Сондықтан сұраныс пен рентабельділік жеткіліксіз болуы кезінде олардың өңірлерде нақты болуы бірталай қысқарады».

Сондықтан Д. Ақышевтың айтуынша, сақтандыру саласын тез арада цифрландыру барынша тиімді шешім болып табылады, бұл біздің азаматтар үшін сақтандыру қызметтерінің географиялық қолжетімділігін қамтамасыз етуге мүмкіндік береді және

барлық рәсімдерді жеделдетеді. «Цифрландыру және телекоммуникациялармен және интернетпен қамту нақты үрдіс болды, ол барлық саладағы процестерді жеделдетеді. Егер 2005 жылы халықтың 4 пайызы ғана интернеттің пайдаланушысы болса, қазіргі кезде 80 пайызға жуығы интернетті пайдаланады», - деп атап өтті ол.

Ұлттық Банк басшысы атап өткендей, сақтандыру қызметін алу кезінде біздің азаматтар үшін қолайлы жағдайларды жасау түзетулердің мақсаты болып табылады: «Халық пен кәсіпорындар сақтандыру компаниясының офисіне бармай және агенттердің делдалдық қызметтерінсіз шарттарды жасаса алады. Шалғайдағы елді мекендердің тұрғындарына сақтандыру полисі үшін облыс орталығына бару қажеттілігі туындамайтын немесе делдалдардың қызметтерін қажет етпейтін жағдайлар жасалатын болады».

Сонымен қатар Ұлттық Банк Төрағасы онлайн-сақтандыруды іске қосу тек заңнамалық түзетулерді ғана емес, мемлекеттік органдардың айтарлықтай жұмысы мен үйлестіруін талап ететінін атап өтті: «Министрліктер мен ведомстволардың дерекқорларын ықпалдастыру бойынша барлық жұмыстар жеделдетілді. Мысалы, заң жобасын дайындау кезінде автокөлік иелерінің жауапкершілігін онлайн-сақтандыру тетігін талқылау кезінде автокөлік иелерінде полистің болуын тексеру тетігі бойынша Ішкі істер министрлігімен үлкен жұмыс жүргізілді. Автокөлік иесі сақтандыру компаниясының сайты арқылы сақтандыру полисін онлайн режимінде сатып алады. Осыдан кейін клиент Бірыңғай сақтандыру дерекқоры беретін сақтандыру шартының бірегей нөмірін алады».

Ұлттық Банк басшысы онлайн-сақтандырудың сақтандыру компанияларынан сайттарды жүргізу, дербес деректерді қорғау және киберқауіпсіздік бөлігінде қатаң қауіпсіздік талаптарын сақтауды талап ететінін атап өтті. Дерекқор мемлекеттің меншігінде және сақтандыру құпиясын сақтау жөніндегі барлық талаптарға жауап береді. Бұл бірінші кезекте, ақпараттың сақталуы мен жеке деректерге қол сұғылмауына барынша жоғары жауапкершілікке қатысты», - деп қорытындылады ол.

Д.Ақышев шет елге шығатын қазақстандықтарды сақтандыруға қойылатын тәсілдердің өзгеруі туралы айтып берді

«Қазақстан Республикасының кейбір заңнамалық актілеріне сақтандыру және сақтандыру қызметі мәселелері бойынша өзгерістер мен толықтырулар енгізу туралы» заң жобасы шетелге шығатын туристерді сақтандыру схемасын өзгертуді көздейді. Бұл жөнінде бүгін Ұлттық Банк Төрағасы Данияр Ақышев Қазақстан Республикасы Парламенті Мәжілісінің жалпы отырысында баяндама жасап сөз сөйлегенде айтты.

Ұлттық Банк басшысы атап өткендей, туроператордың жауапкершілігін сақтандырудан шетелге шығатын туристің өзін сақтандыруға өту жүргізілетіндігін атап өтті: «Қазір туроператордың жауапкершілігін сақтандырған кезде сақтандыру құжатының егер туроператордың қателескендігі дәлелденетін болса ғана жұмыс жасайды, ал мұндай жағдай барынша сирек болады. Турист, әдетте, өзінің проблемаларымен, негізінен денсаулыққа келтірілген зиянды өтеуге байланысты проблемалармен жеке қалады».

Мәселен, Д.Ақышевтың айтуынша, заң жобасында шет елге шығатын туристерді сақтандыру схемасын өзгерту көзделеді. «Туроператор жолдаманы өткізген кезде туристке сақтандыру сертификатын беруге міндетті екендігін айтты. Сақтандыру сертификатында шетелде медициналық қызметке қолжеткізу бойынша көмекті тәулік бойы режимінде ұйымдастыратын халықаралық компаниялардың байланыс деректері көрсетілетін болады. Шетелде сақтандыру оқиғасы басталған кезде турист медициналық қызметтерге, жедел медициналық көмекке және елге қайта оралуға ақы төлеу бойынша шығыстарды көтермейді. Бұл шығыстарды сақтандыру компаниясы туристке көмек көрсететін халықаралық компания арқылы өтейді», - деп түсіндірді ол.

Ұлттық Банк басшысы туроператор үшін күтілетін сақтандыру құны жоғары болмайды деп атап өтті, шамамен күніне 320 теңге: «Бұл ретте сақтандыру өтемі 3 – 16 миллион теңге аралығында болады. Мұндай сақтандыру құжаты туроператорлардың қызметтеріне жүгінетін туристер үшін ғана қажет болады. Туроператорларға жүгінбейтін туристер және шет елге өзі баратын азаматтар өз жауапкершіліктерін өздері көтереді және мемлекет олардың сақтандырылуын міндеттей алмайды».

Д. Ақышев міндеттелген сақтандыру қағидаттары туралы айтып берді

«Қазақстан Республикасының кейбір заңнамалық актілеріне сақтандыру және сақтандыру қызметі мәселелері бойынша өзгерістер мен толықтырулар енгізу туралы» заң жобасында міндеттелген сақтандыруды енгізу көзделген. Бұл туралы бүгін Қазақстан Республикасы Парламенті Мәжілісінің жалпы отырысында баяндамамен сөйлеген сөзінде Ұлттық Банк Төрағасы Данияр Ақышев айтып берді.

Ұлттық Банк басшысы түсінік бергендей, міндеттелген сақтандыру – жекелеген кәсіптер үшін міндетті болып табылатын сақтандыру, бірақ оның талаптары тікелей заңда емес, сақтандыру компаниясы мен оның клиенті арасындағы шартта айқындалады.

«Міндетті сақтандыру кезінде сақтандырудың барлық талаптары, тарифтері және төлемдері жекелеген заңдарда тікелей белгіленгенін атап өтті. Мұндай тәсіл стандартты және жаппай сақтандыру түрлері жағдайында өзін-өзі ақтайды. Алайда, сақтандырудың жекелеген түрлерінде икемділік керек, клиент пен оның тәуекелдеріне жеке-жеке қарау қажет», - деді Д. Ақышев.

Оның айтуынша, міндеттелген сақтандыруды енгізу сақтандыру компаниясына және сол сияқты оның клиентіне шартта сақтандыруды икемді талаптарын көздеуге мүмкіндік береді. «Тәуекелдің нақты тізбесін айқындай отырып, клиенттер үшін барабар тарифті белгілеуге болады. Әр клиентті жеке қарау – бұл міндеттелген сақтандырудың негізгі басымдығы», - деп қорытындылады ҚРҰБ басшысы.

Д. Ақышев – сақтандыру омбудсманының қызметін кеңейту дауларды реттеу институтын дамытуға ықпал етеді

Сақтандыру компаниясының клиенті төлем мөлшерімен келіспеген жағдайда сақтандырудың кез келген түрі бойынша сақтандыру омбудсманына өтініш жасай алады. Бұл туралы бүгін Қазақстан Республикасы Парламенті Мәжілісінің жалпы отырысында баяндамамен сөйлеген сөзінде Ұлттық Банк Төрағасы Данияр Ақышев айтып берді.

Ұлттық Банк басшысы атап өткендей, бүгін сақтандыру омбудсманы дауларды реттеу институтын ұсынады және оның өкілеттіктері автокөлік иелерінің жауапкершілігін сақтандыруға ғана қолданылады.

«Алайда қазірдің өзінде оның өкілеттіктерін сақтандырудың өзге түрлеріне қолдануға болады. Жеке тұлғалардың және шағын кәсіпорындардың даулары қаралатын болады. Даулардың сомалары – 10 мың айлық есептік көрсеткішке немесе 24 миллион теңгеге дейін. Бұл лимит халықаралық тәжірибеге сәйкес белгіленген», - деп түсіндірді Д. Ақышев.

Данияр Ақышев өмірді сақтандырудың әлеуметтік маңызды өнімдері бойынша сақтандыру төлемдеріне қосымша кепілдіктер енгізу жөнінде айтты

«Қазақстан Республикасының кейбір заңнамалық актілеріне сақтандыру және сақтандыру қызметі мәселелері бойынша өзгерістер мен толықтырулар енгізу туралы» заң жобасымен өмірді сақтандырудың әлеуметтік маңызды өнімдері бойынша сақтандыру төлемдеріне қосымша кепілдіктер енгізіледі. Ол туралы бүгін Ұлттық Банк Төрағасы Данияр Ақышев Қазақстан Республикасы Парламенті Мәжілісінің жалпы отырысындағы баяндамасында сөз етті.

Ол 2015 жылғы мамыр айында қызметкерді өндірісте жазатайым оқиғадан міндетті сақтандыру бойынша заңнамаға өзгерістер енгізілгенін еске салды: «Мемлекет, жұмыс беруші мен сақтандыру компаниясының арасында зардап шегушінің жоғалтқан жалақысын өтеу бойынша жауапкершіліктің ұтымды балансы табылды. Бұл жүйенің болашақта тұрақтылығын қамтамасыз етуге мүмкіндік берді. Алайда, аннуитеттер бойынша жинақтар үшін кепілдіктердің қосымша тетіктері талап етіледі».

Д. Ақышев Сақтандыру төлемдеріне кепілдік беру қорының зейнетақы аннуитеті және еңбекке қабілеттілігінен айырылған қызметкерлердің аннуитеті бойынша сақтандыру төлемдері бойынша міндеттемелерді орындауға кепілдік беруі көзделгенін атап өтті. «Кепілдік сақтандыру компаниясын тарату кезеңінде барлық міндеттемелерді басқа сақтандыру компаниясына бергенге дейін қолданылатын болады. Бұл түзетулер алушыларға өз ақшасын Қордан уақтылы алып тұруына мүмкіндік береді», - деп қорытындылады сөзін қаржы реттеушісінің басшысы.

Толығырақ ақпаратты мына телефон бойынша алуға болады:

+7 (727) 270 45 85

e-mail: press@nationalbank.kz

www.nationalbank.kz